


法師覃異餘姚杜氏師龍泉清序遇皇祐普
 度恩得剃髮習教觀於天竺明智後入雷峯
 廣慈之室孜孜扣擊二十年無倦志學成歸
 里敷講故山專勤淨業誦法華至五千部普
 賢彌陀誦各萬卷崇寧元年秋示疾某衆告
 曰吾生淨土時至當乘金臺隨佛西邁即澡
 身端坐結印而逝火餘舌根舍利如綴

佛祖統紀卷第十三



佛祖統紀卷第十四

宋景定四明東湖沙門志磐撰

諸師列傳第六之四

神智文法師法嗣

續三卷下



明智中立法師

文慧宗正法師

空相思恭法師

扶宗忠法師法嗣

草堂慶元法師

永嘉法詮法師

超果湛法師法嗣

海慧若圓法師

法真咸法師法嗣

續三卷下

白蓮道卿法師

安國元惠法師



四明淨果法師
神悟機法師法嗣

濟

夢

北禪淨梵法師

白蓮善珠法師

德藏揮瑛法師

金華子方法師

壽安良弼法師

淨住思照法師

一相宗利行人

紫

程菴嚴法師法嗣

天台法麟法師

天台應通法師

慈辨諫法師法嗣

第三下

車溪擇卿法師

慧覺齊玉法師

圓覺蘊慈法師

普明如靖法師

天竺應如法師

法雲宗敏法師

佛智慈雲法師

慈覺清月法師

上竺明義法師

群奉初法師法嗣

梵慈智普法師

南屏文法師法嗣

憲章仲閔法師

超果賢法師法嗣

精微彥倫法師

寶積彥端法師

景雲其法師法嗣

覺慈善嵩法師

紫

佛照智堅法師

圓明普賢法師

高麗義天僧統

紫

紫

十

紫

紫

清辨蘊齊法師

紫

紫

景德居式法師

永樂北藏

佛祖統紀

第一九九冊

神智文法師法嗣

三

法師中主鄭之陳氏賜號明智母夢日輪入
懷遂有娠夜不三浴則啼號不止九歲出家
于甬東之棲心受經一誦永憶不忘治平中
試經開封府中選得度初依廣智學教觀及
神智繼主南湖復依之熙寧中神智開憐謚
問答者二百人無出師右乃舉居座元久之
去謁扶宗於永嘉將歸宗曰子行必紹法智
之席及神智謝事乃俾師為繼元祐初高麗
僧統義天遠來問道肅濟岸遇師升堂歎曰
果有人焉遂以師禮見傾所學折其鋒竟不
可得師令門徒介然始作十六觀室以延傳

業之士已而辭去曰昔年六十當再來即還
東湖之隱學數年郡太守王公勉主寶雲
一新棟宇於伽藍神腹得願文云後百年當
有肉身菩薩重興此地聞者異之後退隱白
雲菴日宣止觀至不思議境歎曰吾道至此
極矣有不思議境則有不思議心乃作不思

議辨正又指五章裂大綱目寄果明因以成
餅行舉佛攝生全生是佛作止觀裂綱指賜
釋疑文慈正師亡郡請再主地慶果符六十
再來之言嘗升座說法慈雲無盡下座問侍
者曰吾道何語侍者答以所聞師曰吾嘗
身心同太虛空殊不知語之所出也歲歲行

江浙建康為景盛擇其徒惟法華備者七年
行法將圓禪觀中見一大舟眾欲乘不可唯
師坐其中以行自是辦惠泉涌起勝於昔政
和五年四月辛亥謂門人法維曰吾聞異香
心甚適悅謂觀堂行人曰吾嘗與汝輩長別
即面西坐進塔于崇法祖塔之東誦三大部

尾一

十二

淨名光明數十過誦法華踰萬劫與人除病
卻鬼救災早不能畢記其發孔老之書無不
遍讀其對儒士諱說則反質之曰此道在孔
聖如何在詩書如何儒士不知對則援引委
辯之曰無乃若是乎聞者心服而還師在永
嘉扶宗謂曰吾常見摩利支尊默於夢中求

護法它日幸於南湖懺堂置其位及師主席
乃立像自師始陳瑩中嘗護師曰嚴奉木叉
堅持靜慮以身為舌說百億事言戒定慧皆備具也
法師宗正賜號文慧依神智學教觀深造聞
域治平初繼主南湖大弘宗教先是寶雲祖
藏骨於育王山西北隅後七十七載師自南
湖往權故顧楚窟有毀將遂蕪沒乃飭工集
石起方續以顯其處且復為石塔記以識其
事時謂微師此文寶雲之藏幾不可考
法師思南湖之鳥程人賜號體真年十九剃
髮詣神智學教觀及歸里時空相廢于積潦
師克志興復為屋三百楹徙客無求而施者

自越功成修長懺三載以答志願及老歸吳山解空建炎元年九月別衆坐遊茶毘烟所至皆凝舍利塔于院東南隅弟子戒澄等四十三人皆傳道有成分化浙水

扶宗忠法師法嗣

法師處元永嘉人久參扶宗遂繼法明之席

昆

十三

郡侯仰其道化任以僧正澄清品流莫不厭服所著輔贊記三卷其論經體則推本法智廣智源流之說論無住本三種觀法答扶宗通相三觀其說明正學者宗之崇寧二年間居東溪草堂述義例隨釋六卷初荆溪以止觀文廣例為七科名為義例俾學者知解行

之大旨雖法智製述之多不暇為記師因義神智為纂要以初乘觀法性德之境為真如理觀修德之境為唯識事觀師謂狂妄徒疑後學乃決志注釋以斥纂要之非

法真咸法師法嗣

神照下
第三世

法師淨果四明人學法真為高第撰金剛經

疏欲講即講不俟衆集有臣律師者入冥府司名者曰誤追也臣潛窺其籍有云明州淨果闍黎講金剛般若經一百遍既反詣師以問師曰但十遍耳恐以義勝褒為百遍神悟謙法師法嗣
法主淨梵嘉禾人姓簞母龔氏夢佛光滿室

遂有娠及生因名佛護十歲從勝果師永懺
主出家常念阿彌陀佛或問年少何為念佛
答曰我欲往它方丈求掛搭去年十八受具
戒即依超果湛師學未久復往謁神悟屢親
講說大契夙心元祐初主姑蘇大慈講三大
部十餘過餘文稱是受業門生殆偏吳地信

人稟戒幾滿城邑嘗率二十七人修法華三
昧以二十八日為期如此三會感普賢大士
授戒羯磨至稱淨梵比丘則洪音震響如撞
巨鐘三昧將圓有二僧作禮曰今春到石橋
禮聖迹忽見空中散華異香非常一僧遽曰
姑蘇梵法主期懺散華至此語畢不見因來

瞻禮長洲令黃公彥刻記于石云異哉師之
道力其與北京進法師夢釋迦授戒南嶽夢
四十二人加羯磨法異世同效師製期懺規
式二浙至今行之嘗依識譯光明別製懺儀
與衆同修感格屢見禪觀之虞衆見金甲神
王跪於座前後於一處期懺見書天按行懺

此

高

室行人有遭其點察者輒障起而退夜居西
院時暑酷熱衆不安卧師方披三衣坐水閣
上忽風雪飛集涼氣逼人旦謂衆曰夏行冬
令衆皆歎仰知為神龍翔衛變熱為涼也元
符中夢黃衣請至冥府王者迎就座令吏檢
祥霽簿云淨梵比丘屢經多劫長講法華王

即起頂禮遣使送還政和中太守應公婢為
崇所婉歌笑不休請師施戒即刻神定葛氏
請師為亡夫施戒即見夫恭敬於師連座三
匝稱已得解脫宣和初郡守賈公敬師高行
補為管内法主建炎元年十月坐亡闍維得
舍利甚多藏塔于橫塘般若

法師擇瑛嚴之桐江俞氏母壽二日貫懷後
二歲散二男俱出家皆試經得度長名子欽
受業錢唐淨住次即師也入道于杭之壽寧
熙寧中參神悟於施水寶閣深悟止觀之道
閱不兩金錫不寢者數月以所得自師神悟曰
法華妙旨歸乎自心宜善護持勿自輕也當

湖魯氏於德藏創一院以迎師大開法施又
之遨遊抗秀蘇湖間元符二年春於杭祥符
示疾俄奮身梵几西向諷彌陀經卷終而逝
嘗述淨土修證儀其讚有阿彌陀佛真金色
之偈至今人皆誦之又辯西方此土二種觀
門之相以勸專修淨業者文見淨土本傳

行人宗利會稽高氏七歲受業於天華既具
戒往姑蘇依神悟即入晉賢懺室要期三載
忽夢亡母謝曰蒙汝懺功已獲生處又見普
賢從空過前懺畢復往靈芝謁大智律師增
受戒法夢大智在座呼宗利名口吐白珠令
吞之又於靜定中神遊淨土見寶池蓮華寶

林境界尋詣新城碧沼專修念佛三昧經歷
十年復遊天台鴈蕩天封皆建淨上道場晚
歸受業天華建無量壽佛閣接待雲水政和
元年天旱詣日鑪山帝舜祠祈雨感龍王現
金色身甘雨沾足建炎末入道味山題所居
曰一相巷會稽道俗請師主繫念至第三夜
繪像頂珠忽放光明大如箕預會者益堅固
紹興十四年正月晦告弟子曰佛來也吾將
歸安養矣書頌為別曰吾年九十頭已白世
上應無百年客一相道人歸去來金臺生斷
乾坤窄端坐即逝是日近山人見異僧滿山
谷莫知所從來瘞全身於巷居之後

法師思照錢唐陽氏十四歲從淨住從雅聰
法華方等於南屏復往東掖叅神悟大有契
入既而刺血書法華七軸專修念佛三昧築
小菴曰德雲後連小門為觀落日之所刻三
聖像每夜過午即起念佛月二十三日率道
俗繫念終其身三十年一旦語其徒曰夜夢
佛金身丈六此往生之兆也請僧七日以助
念佛屈指作印奄從坐化時宣和元年春也
開維之際頂骨牙齒皆瑩明如玉石師於淨
土七經一字一禮華嚴首楞嚴金光明無量
壽普賢行法蓮教梵網無量義略教誡四分
戒本皆然唯法華十過觀得二百七十卷誦

法華千部無量壽佛經五藏阿彌陀經十藏

慈辯諫法師法嗣

聖

法師擇卿天台人天資聰敏傳學強記受教於上竺慈辯嘗曰四明旨意吾已得之唯起教觀信之未及然不敢不信也初主車溪

聖車溪屬三州四縣東為秀州靈應縣南時
開山高宗末嘗屈節豪貴聚徒三百施者自
至年三十後即廢卷禪坐晚居車溪每遇諸
演但令侍者日供講表辯說如流聽者說服
解解曇應領徒三十人至車溪值說無量義
經聞舉難云妙樂有云能生一實法華異名

所生無量為法華序不知能生一實是隔偏之圖即偏之圖所生無量是同體之權異體之權應語同行曰此師言有典刑之堪問道即承依止有不循規者悅眾以聞詢其名則指言朋觀二師師曰此二人教門大才也弗之間嘗夜坐方丈聞廊廡有天樂聲遣人迹

之聲出朋師房師附壁隙窺之見朋觀數輩於燈前戲舉手作無聲樂師益異之平時喜茶臨終之頃謂門人曰晨鐘鳴即來報至時啜茶一甌書偈而化時大觀二年仲冬也塔于院南芙蓉浦
法師齊玉以號齊玉嘗川人尚書莫公支子

也法號慧覺早親釋學日記數千言始為釋
行仲智後依慧辯一日赴僧次聯辭之或問
其故答曰誠不欲五十之利而費一日之功
慧辯得通相三觀之肯綮不肯說師集扣不
已乃於密室跪鑪以授初出居茗溪寶藏每
於歲終大興淨業之社遷橫山立丈六像率

尾一

七

道俗修行中夜告衆曰我輩未念佛時心隨塵
境作諸不善犯一吉羅尚受九百千歲地獄
之苦況犯篇聚重罪乎五篇今若念佛則可
一念能滅八十億劫生死之罪況又父母生我
令我出家理當度脫以報重恩今若破戒墜
陷則父母豈不失望大衆聞之無不傾誠懺

悔舉身自撲至損額失聲者此雖勸修淨行
正用扶律談常
代之意宣和六年遷居上竺先是慈辯之去
繼之者或不振學後謀曰得五公乃與郡守
翁彥國聞之乃具禮以迎講道敷化不異慈
辯嘗中夜頂像行道一僧失規責之曰汝無
知乃畜生耳已而悔曰彼雖不肖罵為畜生

有玷三寶自是三年對佛悔過歲大旱井竭
師運心密禱夢水出西坡旦掘之清流涌出
因名夢泉建炎元年秋謂首座修慧曰吾牀
前多寶塔現慧曰和上流通法華之瑞證也
師曰所願見阿彌陀佛耳即集衆念佛頃之
舉手加敬曰佛已來接也端坐合掌而化葬

十山西草堂之側謚妙辯塔曰慧寂門第傳教者密印大師修慧等二十人所著普賢行法經疏及自釋疏祖源記無量義經疏雜珠記釋山安般守意法門尊勝懺法

法師蘊慈四明慈溪人賜號圓覺初依壽安弼師既而復謁慈辯其學大成時門下十高

第師爲說法第一初居西湖菩提遷會稽圓通崇寧初能仁虛席以師爲請有文首座能行人各然二指憐佛冥被師既至一衆說服嘗因暑熱講散偃息臥榻適首座至白曰此山師席講退之頃不入懺室則居禪堂未有高枕自安者師媿謝曰敢不承教自此祈寒

盛暑不敢少懈每當如廁則沐浴更衣雖行道遇雪必手掬以爲淨著十類說權實指迷世行其文

法師如靖賜號普明早入慈辯室杭人有以私憾害其兄者後深知悔以聞一律師答之曰殺人償命何足爲問其人即投西湖而死

凡一

六

欲償兄命免爲後怨既不見兄反悔投水因衆人入雷峯受戒鬼隨以入聞戒師說人造罪許懺悔其鬼乃怒律師蚤知可悔必不投水日夜隨律師索命語以修薦百方皆辭久而言曰爲我請靖佛子施大乘戒則可脫及爲授戒法乃見形致謝而去後主覺悟學徒

雲擁唯一室空閉云有惡鬼居之師中夜入室坐禪忽聞哮吼見一人頭飛走地上俄化為人師謂之曰汝何得擾人鬼曰凡出見人本欲求度人見自畏非擾之也師乃為說法授戒語之曰汝可入吾神鬼即如教覺重甚攜至林中放之化成天人殷勤謝師飛空而沒建炎二年遷上竺初是有為鳴童卦者或以上竺住持為問童云待問土地良久曰今早天符已下請靖法師矣閱月而師至三年十一月金虜破杭師預感夢知此山危運不可免語其徒令避去及虜至或謂可以禮誨即聲鐘集眾虜疑其將抗已放兵大掠火其

屋而去

述曰靖師之德可以脫索命之鬼可以度空室之祟可以感上竺之符而不能卻元術之寇止上竺之焚蓋當群生同分業感共厄火災所不得而幸免也

法師應如婆之浦江胡氏默記多聞尤香持

十九

論來學上竺慈辨深器之嘗往靈山訪同世出六能義反覆辨詰彼義墮負師即揭竿繫帛謂之曰西竺破敵則豎勝幡道場降魔亦表勝相今法戰既勝當揭一竿人畏其烈目之虎子初慈辨得南屏通相三觀之旨秘不授人王慧覺祈請尤力許中夜為密說師知

之防梯揭尾伏身竊聽飛雪翻空背若披鎗
旦白慈辯曰我於通相三觀若有冥授即錄
其言以示一衆慈辯怒曰應如盜法紹聖初
主越之圓通嘗因講散謂侍者曰今日東風
吹教法過浙西去使眼中有耳者得以有聞師
三十歲便亡卷毒臨座侍者供講表以俟紹
興三年遷上竺兀术焚蕩之餘唯存藏室有
勸化人營建者師曰我但流通大法耳它曰
自有修造者至及師亡普覺惟日果以繼席
興土木事五年九月車駕幸大士殿師奏對
如流上喜賜萬歲香山以供大士師不尚著
述嘗以偈示人曰吾傳智者一性之宗三千

實相妙空假中一念法界生佛體同凡聖一
如善惡理融毗盧身土湛若虛空達斯旨者
法法圓通左之右之受用無窮山家稱如虎
者三人神照本如曰明道如林蟬及師也一
夕別大衆歸寂而終塔於寺西北隅嗣法崇
先懷志白蓮慧仙皆是世其業師有教義名
指難集

法師宗敏秀當湖魯氏名族也賜誥法雲年
十五具戒徧參講席如趙果照廣化明南屏
玩無不歷事後入慈辯室頗有發明辯誅首
座非其才乃請與之抗論座為之屈紹聖初
主杭之菩提元符中遷孤山樞密蔣之奇時

求諸問楞嚴大旨為談心要之妙之奇言下有拜敬以師禮久之退處報恩六一泉之上其風兀術其風兀術友東按各其泉為六一冥坐三十年世高紹聖七年冬示寂命以衣盂修報恩塔即山撤而葬焉後十八年有司以其地為延祥觀遷其塔于山北為窠之側弟子慧靜取全身聞維之視容貌如其生薪盡火滅收舍利百粒如菽千僧統義天王氏高麗國文宗仁孝王第四子辭榮出家封祐世僧統元祐初入中國門道至四明郡以明智慧照館接之義天上表乞

傳賢首教敕兩街舉可授法者以東京覺嚴誠禪師對誠舉錢唐慧因淨源以自代乃敦主客楊係送至慧因受法諸刹迎錢如行人禮初至京師朝畢敕禮部蘇軾館伴謁圓照宗本禪師示以宗旨至金山佛印坐納其禮揚傑驚問印曰義天異域僧耳若屈道徇俗諸方先失一隻眼何以示華夏師法乎朝廷聞之以為知體至慧因持華嚴疏鈔咨決所疑閱歲而畢於是華嚴一宗文義逸而復傳又見天竺慈辯請問天台教觀之道後遊佛既禮智者塔為之誓曰已傳慈辯教觀歸國敢揚顯賜真護見靈芝大智為說戒法請傳

所著文既還國乃建剎號天台奉慈辯所傳
教文立其像為初祖歲遺使通音問及施金
書華嚴三譯於慧因建閣藏之今傳見飛
山別傳議為跋曰甚矣古禪之與今禪名實
相遠也古之所謂禪者藉教入禪者也今之
所以禪者離教說禪者也離教者執其名而
遺其實藉教者因其詮而得其旨救今人矯
詐之敝復古聖精純之道珠公論辯斯其至
焉近者遼國詔有司令義學沙門詮曉再定
經錄世所謂六祖壇經寶林傳等皆與焚棄
而比世中國禪宗章句多涉異端此所以海
東人師疑華夏為無人今見飛山高議乃知

有談法開士百世之下住持末法者豈不賴
珠公力乎成珠作別傳錄於禪教之區深
述曰昉師辨祖謂智炬撰寶林傳詭說百
端如達磨隻履西歸立雪斷臂等事與南
山續高僧傳多不同云世又謂壇經誤性
不異吾宗而於念佛求往西方有似貶斥
義天言遼國焚棄二書者蓋以此也

南屏文法師法嗣

法師仲閑三衢人受業禪符來依南屏文師
以雄辯見稱義虎政和初還鄉主浮石學者
驟至嘗放言曰吾座下不五百眾不講大部
故一生唯講光明觀音順寧文日集眾屏堂

登師子座趺足而坐忽見銀臺自西至師曰
吾平生解第一義誓取金臺今乃若此瞑目
而化所著憲章集五卷其自序曰釋氏子有
所述必求公卿為之序其首跋其尾駕其說
俾行於世且衣冠之士豈知吾之是識吾之
非儒是而無乎天能喪乎哉或非而有序人
能駕乎哉

趙果賢法師法嗣

記

○

法師彥倫學趙果賢師為有成大觀元年主
仙潭撰教義名精微集四卷賜號妙慧又撰
金剛經疏二卷
法師彥齊錢唐周氏號清辯幼歲試經得度

永樂北藏

佛祖統紀

傳教親示法明會賢師嘗患疾百藥不治
遂力課觀音尊號夢一婦人以鑿開其曾易
其心手捫摩之患即愈時昔所覽靡不通記
走筆成章率歸典雅咸謂辯才之證主錢唐
道林當熟上方姑蘇東靈錢唐南屏姑蘇廣
化三衛浮石政和復歸上方開居于方丈述
頌山記釋天台戒疏凡三卷建炎四年正月
果衆誦彌陀經稱佛號畢即刻而化塔舍利
于上方門人法清及景德法雲克傳其道雲
錦翻譯名義七卷大為梵學檢討之助頗亦
附以教義云

景雲其法師法嗣
傳石下
第三世

○

第一九九冊

永樂北藏

佛祖統紀

第一九九冊

法師居式金華人嗣景雲住景德撰圓覺疏
四卷

卷一

卷二

卷三

佛祖統紀卷第十四

卷四

卷五

卷六